

Mbanjsizveiz:

Mbanj Geq Bienq Yiengh Moq Daegsaek Yienhda

石围屯：古村新颜彰显特色

□ Loz Dungh



▲ Gyoengq bouxcoz angq foux lungzfiengz.

◀ Hekyouz caenx haeuj mbanj youzcet.



▲ Mbausau Mulajucz yienj dwkgiuzduk.

Byaij haeuj Mbanjsizveiz, daengx aen mbanj yienghsiengq gaeuqgeq youh raen daegsaek minzczuz yienhda. Gizneix gaenq baenz diemj guhyiengh hwnjguh lajmbanj moq caeuq mbanj guhyiengh daegsaek fungsug minzczuz lijyouz. Bi 2014 ndwen 9, buek daihit 340 aen youz Guekgya Minzveij ancoh guh “aenmbanj daegsaek siujsoq minzczuz Cunguek” ndawde, Mbanjsizveiz ndaej lied youq ndawde.

Mbanjsizveiz dieg youq Cunghsiz Cunh Dunghmwanz Cin Lozcwngz Mulajucz Swciyen, liz yienhsingz 4 goengleix gyaе, byabo、doenghnaz、diuzdah sam mbiengj hopheux, gingjyawj swyenz gvangqmiengx gyaеundeі, saenzgeiz daegbied. Ciug sawgyog singq Yinz caeuq Yungjanh beigoengdaek geiq naeuz, Mbanjsizvei cojgoeng senj daengz gizneix anyouq gaenq miz 640 lai bi, seizneix daengx mbanj miz 125 ranz 456 vunz, cungj dwg vunz Mulajucz singq Yinz. Ndaw mbanj seizneix lij louzce miz 70 lai aen ranz gaeuq, dingzlai dwg youq Ciuhcingh caeuq seiz Minzgoz hwnjguh, cungj dwg yiengh gyaqdaep ciensiu faexbenj, dingjranz vanglingq yiemhranz gungjgaeu; vehbangx-

ciengz yiemhranz caeuq gwnz faqciengz baihdaw cingsaeq, aencueng guenghva yienghdoz lai cungj, hong deugaek cinggiuj, dwg gij daiqbiuj aendajcaep caeuq hong dinfwngz faexbenj gaekdeu conzdungj Mulajucz Lozcwngz. Baihlaeng aenmbanj miz faq ciengzrin 70 lai mij raez, mbanj aeu sahoi gyaux naez caep baenz ndeu, gwnz ciengz louz miz congh nyingzcungq caeuq dieg dawzneuz, dwg faqciengz redangj ceiq hung ceiq caezcingj Lozcwngz seizneix raen miz haenx. Beigoengdaek Giuzyungjanh、rindiuz conghmboq geq、Giuzbenjrin、diuzganjrin goengmingz daengj rizgeq vwnzvuz seiqhenz mbanj, guhcingq le gij lizsij ronghlwenq aen mbanj neix, doznaek gij vwnzva nanwt Mulajucz singq Yinz. Ndaw mbanj seizneix lij miz “cietyihfan” “sam nyied sam” “six ndwenngaih” daengj ngoenzciet conzdungj, miz gij heiqhom vwnzva caeuq fungcingz minzczuz Mulajucz naek-nwt.

Bi 2012, Mbanjsizveiz ndaej Swcigih Minzveij lied guh “aenmbanj daegsaek henhoh caeuq hwngfat” hanghmoeg sawqdiemj le, Lozcwngz

Yenveij、Yen Cwngfuj swnh seizndeі guh sonyinx, bang aen mbanj neix giethab hwnjguh “Guengsae gyaеundeі • lajmbanj seuqcingh”, dawz mbanj gaeuq laebbaenz aen mbanj moq doznaek vwnzva lizsij Mulajucz、baijyienj vwnzva fungsug minzczuz caeuq youzcet yawjingj doxcomz miz caez ndeu. Ndaw yienh cingjhab cienzngaenz 500 lai fanh maenz, hawj guh roenmbanj、roenluengqhongh、mieng baiz raemx giz dong gypnyaj、diufai haenzdah caeuq roen youzcet, coihcingj dauq-fuk ranz gaeuq, ciuqei yiengh gaeuq hwnjguh laeuzdou Mulajucz、luengqhongh caeuq diengzyietnaiq, laebbanh Mulajucz minzsuz bozvuzgvanj; doengzseiz guh le vwnzva yizloz cungsim、daizheiq、youqndwi gvangcangz、cuзgiuzcangz daengj gizdieg youqndwi lienhdang, laebbanh hwnj aendoih yienjheiq、aendoih foux saeceij caemhcai q guh ndei hong son' gyaug, cujciz vunzlai guh yawjingj nungzyez haifat daengj, dawz gij daegsaek Mulajucz doedyienh okdaej, hawj aenmbanj bienq yiengh yinx vunz、vunzmbanj Mulajucz saedcej ngoenz beij ngoenz ndei.



▲ Vunzmbanj yienj fungsug aeuyah.



▲ Ranz gaeuq henzhoh ndaej ndei.



▲ Beigoengdaek Giuzyungjanh son ndei daih dem daih.



▲ Yiengh ranz gaeuqgat raen rizgeq.



▲ Ngoenzciet baebo Mulajucz mbauqsau doxdaeuq.

◀ Luengqhongh dauq fuk ndaej yungh.